



Kalaallit Nunaanni nappaammik kræftimik akiuniarfik
Kræftens bekæmpelse i Grønland

Ukiumoortumik nalunaarut 2011
Årsberetning 2011



IMARISAI – INDHOLD

AALLAQQAASIUT / Forord	3
SIULERSUISUT / Bestyrelse	3
SIULERSUISUT ATAATSIMIINNERI / Bestyrelsesmøder	4
SIULERSUISUT ATAATSIMIINNERINI OQALUUSERISAT AALAJANGIUSSALLU / Indhold og beslutninger på besty- relsesmøder	4
SIULERSUISUT NAAPILLUTIK ATAATSIMIINNERAT/ Bestyrelsens samling til møde	5
UKIUP SINNERANI ATAATSIMIINNERIT Bestyrelsesmøder resten af året	6
DK-MI KRÆFTENS BEKÆMPELSE-P ATAATSIMIINNE- RANI PEQATAANISSARALUAQ / Ikke deltagelse på Kræftens Bekæmpelses landsmøde i DK	6
KUJATAANI OQALOQATIGINNITTARTUNIK PIKKORISSAANEQ Kursus for samtalepersoner i Sydgrønland	7
NUNA TAMAKKERLUGU KATERSUINIARNEQ / Lands- indsamling	8
IMMIKKOORTORTAQARFIIT / Lokalforeninger	8
TAPISSUTIT LEGATIT / Legater	9
KALAALLIT PEQQISSARTUT ILLUANNIK SULEQA- TEQARNEQ / Samarbejde med det grønlandske Patienthjem	10
QUPPERSAKKANIK SAQQUMMERSITSINEQ / Udgivelse af nye pjecer	11
KATTUFFIMMUT IMMIKKUT TAPISSUTIT / Særlig økonomi sk støtte til landsforeningen	12
NAGGASIUT / Afsluttende ord	12



AALLAQQAASIUT

Matumuuna Neriuffiit Kattuffianni siulersuisut saqqummiuppaat ukiumut 2011-mut nalunaarusiaq ukiup ingerlanerani Neriuffiit Kattuffiata ingerlatsisimanera aammalu nammineq piumassuseq aallaavigalugu suliniarnerup ukiumi 2011-mi qanoq ingerlasimanera nalunaarutigineqassalluni.

Ukiumi 2010-mi ukiumoortumik nalunaarusiaq nutaamik ilusilerneqarpoq tamannalu ukioq 2011-mut nalunaarusiammi ilusaa allangortilaarlugu ingerlateqqinneqarpoq.

Pisarnertut Neriuffiit Kattuffianni 2011-mi suliniarneq pisimasoqarfiulluarpoq neriuppugullu ukiumut nalunaarusiamik nassitsiffisartakkagut nalunaarusiamut pissarsilluarumaartut.

Immikkoortortaqarfiiit saniatigut nalunaarusiaq makkununngaa nassiussuunneqassaaq:

Napparsimaveqarfinnut, suliffeqarfinnut suleqatigisartakkatsinnut, Peqqissutsimut Naalakkersuisoqarfimmuit, Kommuninut, politikkikkut partiinut, inunnnullu ataasiakkaanut

SIULERSUISUT

Ukioq 2011 aallartippoq ima siulersuisut inissisimallutik:

Siulittaasoq Johanne Olsen, Nuuk,

Siulittaasup tullia Marius Olsen, Sisimiut

Aningaaserisoq Kristine Sandgreen, Aasiaat,

Siulatorsuisuni ilaasortat pingasut: Sara J. Brandt, Aasiaat, Sofie Mathiassen ,Sisimiut aammalu

Rasmine Hansen, Qaqortoq

Sinniisussatut inissipput Theo Kruse, Narsaq aamma Pavia Andreassen, Nanortalik

	
Saamerlerniit: Sofie Mathiassen, Johanne Olsen, Marius Olsen, Theo Kruse, Kristine Sandgreen, Rasmine Hansen.	Pavia Andreassen, Sara J. Brandt

Immikkoortortaqarfinni siunnersortaapput:

Avannaani – Sisimiuniit Avannamut: Sofie Mathiassen , Sisimiut

Kujataani – Maniitsumiit Kujammut – Tunumilu: Rasmine Hansen, Qaqortoq

Oqaloqatiginnittartuni siunnersortaavoq:

Nuna tamakkerlugu: Sara J. Brandt, Aasiaat

SIULERSUISUT ATAATSIMIINNERI

Ukiumi 2011-mi siulersuisut oqarasuaatikkut ataatsimiipput arfinileriarlutik imminnullu naapillutik Nuummi ataatsimiipput ataasiarlutik.

SIULERSUISUT ATAATSIMIINNERINI OQALUUSERISAT AALAJANGIUSSALLU

2010-mi ataatsimeersuarnermi aamma aalajangiiffigineqarput ukiuni pingasuni tulliuttuni suli-niutissat anguniagassallu ilaatigut makkusut:

- Kattuffik illutaarniartariaqarpoq
- Oqaloqatiginnittartoqarnerup nukitorsarneqarnissaa
- Oqaloqatiginnittartunik siunnersortip sinerissami angalasarnissaa
- Napparsimasut angerlarsimaffiata Brønshøj-miittoq suleqatigineqarnerunissaa
- Inuit amerlanerusut anguneqarnissaat
- Quppersakkat amerlanerusut saqqummersinnissaat
- Napparsimasut atugaasa ajornartorsiutaneri quilliunerusunut anngunneqarluartarnissaat

Ukioq 2011-p aallartinneranii siulersuisut ataatsimiittarnerminni ppingarnertut makkua oqaluuseraat aalajangiiffigalugillu:

- Aningaaserisumit misissuiffigineqarpoq kontomik nutaamik ammaasinnaaneq erniaqarnerusumik.
- Oqaloqatiginnittartunik pikkorissaanerit Kattuffimmiit ingerlanneqartalernissaat isumaqatigiissutigineqareernikuummat oqaloqatiginnittartunik pikkorissaaneq 2011-mi qanoq ingerlanneqassanersoq pilersaarusiorneqarpoq. (Oqaloqatiginnittartunik pikkorissaaneq qupp. 7-mi atuarneqarsinnaavoq).
- Quppersakkat nutaat saqqummersitat avammut saqqummiunneqarnissaat Sisimiuni pissasoq aalajangiunneqarpoq. (Takuuk qupp. 11)



Siulersuisut imminnut naapillutik ataatsimiinnerminni makkua oqaluuseraat aalajangiullugillu:

Ataatsimiineq pivoq Nuummi 5.-6. marts 2011

- Ukiumut 2010-mut nalunaarusiaq sukumiisumik misissorneqarluni iluarsiissuteqarfingineqarlunilu oqaluuserineqarpoq. Siullermeersumik nutaamik iluseqartilernera assitalerneqarneralu iluarisimaarneqarpoq akuersissutigineqarlunilu.
- Nuna tamakkerlugu aningaasanik katersuiniarnermi qulequtaasut aammalu Kattuffik soq katersuiniunneqartarnersoq annerusumik aammalu ersarinnerusumik nassuiaateqartoqartarnissaa aaliangiunneqarpoq. Nuna Tamakkerlugu Katersuiniarnermi inuit tusamasat imaluunniit

saqqumilaartut peqataatinnissaat assut pingaartinneqarpoq. Aalajangiunneqarput qulequtaq "Ikioqatigiitta" aammalu 700.000,- kr isertinneqarnissaat.

- Oqaaseq Immikkoortortaqarfiiit ornigineqarneruvoq "Peqatigiiffiit" kikkunnik tamanik atorneqartarmat, tassa imatut paasillugu oqaaseq immikkoortortaqarfik atorneqassammat.
- Legatimik qinnuteqarfissaq iluarsiissuteqarfigineqarpoq ilanngunneqassalluni aappassaanik nappaamik nanginnermi qinnuteqartoqarsinnaasoq.
- Ukiuni pingasuni tulliuttuni suliniutissatut pingaarnersiuinermik siunnersuutit eqqartorneqarput, ilaatigut ukuusut:
 - Aaliangiunneqarpoq Kattuffiup pikkoriffiginerusariaqaraa immikkoortortanik pilersitsinissaq Tunumi immikkoortortaqannginneq uggorineqarluni. Immikkoortortanik pilersitsisinnaanermi eqqartorneqarpoq INUUNERITTA-p aningaasaateqarfia misilinneqarsinnaasoq immikkoortortanik pilersitsinissanut, angalanissamut aningaasartuutit matussusernarneqarnissaat. Siunnersuutigineqarpoq Kujataa – Qeqqa – Avannaa tulleriaarneqarnissaat Nuna Tamakkerlugu ataatsimeersuaqqinqinnerani anguniarneqarsinnaasut immikkoortortaqarfinnik pilersitsinissamik.
 - Kattuffiup illutaarniarnissaa: Anguniagaq annertummat inissiamik aamma pissarsisinnaaneq ammaffigineqarpoq, Neriuffik Nuuk suleqatiserineqassaaq. Illu sponsorerneqarsinnaasuuguni, soorlu akiligassap affaa, assut nuannaarutaassagaluarpoq.
- Aalajangiunneqarpoq Neriuffiit Kattuffianni siulersuisut sulinerisa aaqqisornerata iluani allassimassasoq peqatigiiffiit aningaasaataanik atornerluisoq Pinerluttaalisitsinermi (Kriminallov) § 106 malillugu iliuuseqarfigineqartassasoq. (Inatsisivittaa ilanngunneqassaaq, ersarissunngortillugu malittarisassani ilanngussatut inissinneqassalluni)
- Peqqissutsimut Naalakkersuisoqarfimmiit saaffiginnissut tunngavigalugu nappaat kræfti pillugu nalunaarusiassamut Neriuffiit Katuffiata sulianik ilanngussinissaq eqqartorneqarpoq suullu ilanngunneqassanersut aalajangiiffigineqarluni. Kingusinnerusukkut Kræfti pillugu nalunaarusiami ilanngunneqarsimapput.
- Siunnersuusiorfigineqarput aalajangiunneqarlutillu quppersakkat sorliit nutsigassatut tullinnguunnersut.
- 2011-mut missingersuutit suliassallu akuersissutigineqarput.

Ukiup sinnerani siulersuisut ataatsimmiittarnerminni makkua oqaluuseraat aalajangiullugillu:

- Kattuffimmi illersuisoqarneq tapersersuisoqarnerlu Naalakkersuisoqarfinnut Kommuneqarfinnullu allagaqarnikkut aaqqiissuteqarfigineqarpoq.
- Neriuffiit Kattuffiata oqarasuaataasa qanoq atorneqartarnerat pappilianngorlugu siulersuisuni ilaasortanut pigineqartussanngorlugu siunnersuusiorneqassaaq.
- Ukiumut 2010-mut naatsorsuutit kukkunersiusunit Deloitte & ToucheKKunnit kukkunersiorneqarsimasut siulersuisunut ingerlaartinneqarlutik atsiorneqarput.
- Ukiup ingerlanerani pisussatut inunnit ataasiakkaanit siunnersuutigineqartartut, soorlu "Lyserød lørdag (arfininngorneq aappalaartoq qaamasoq)", siulersuisut imminnut naapillutik 2012-mi ataatsimiinnerannut oqaluuserisassangortinneqarput.
- Kattuffiup sulinera suliniutaalu pillugit ilanngutassiisoqarpoq: Kalaallit Peqqissartut Illuanut nutaassamut Peqqinnissaqarfip quppersagaliaanut aamma INI A/S-p tusaataamut ISAAVIK-mut.

- Immikkoortortaqarfinnit Kattuffimmut suliassatut siunnersuutit, soorlu atuakkamik quppersakkanillu atuaalluni immiussinerit, suliniutigineqarlutik aallartinneqarput.
- Ukiup ingerlanerani pingaartumillu nuna tamakkerlugu katersuiniarnermi aningaasanik annertunerusunik tapiissunut tunniuttagassamik sinilgassamik nutaamik sanatitsinissaq isumaqatigiissutigineqarpoq.
- Juullimut pilluaqqussut Qaqortumi sananeqarpoq.
- Quppersakkanik saqqummersitsinermi ilusilersuisartoq allanik suliaqalersimammat ilusiler-suisartussaq alla neqerooruteqartoq akuerineqarpoq.
- Siulersuisut imminnut naapillutik ataatsimiinnissaat aalajangiunneqarpoq 2012-mi sap. ak. 8-mi pissasoq.
- Tusagassiortoq neqerooruteqarpoq Kattuffiup Tusaataanik sanarusulluni. Siulersuisut imminnut naapillutik ataatsimiinneranni naliliiffigineqassaaq.

DK-MI KRÆFTENS BEKÆMPELSE-P ATAATSIMIINNERANI PEQATAANISSARALUAQ

Ukiut tamaasa pisarnertut DK-mi Kræftens Bekæmpelse-p ataatsimmersuarnissaminut Neriuffiit Kattuffiannit peqataasussamik ataatsimik qaaqqusivoq.

Siulittaasup Johanne Olsen Koldingimi ataatsimeersuarnermut peqataanissa siulersuisut imminnut naapillutik ataatsimiinnerminni aalajangiussimasaat qanigisami napparsimasoqnerani pisinnaajunnaarmat iluatsikkaluarpoq Kattuffimmi allaffimmipi Juliane Dalagerip peqataanissa. Tamanna ajoraluartumik Islandimi qaaqqap anitsineranik akornuserneqarpoq Qallunaat Nunaannut timmisartukkut angallannerup unitsinnejnarneranik eqqugaalluni. Ajuusaarnarpoq ataatsimeersuartunut peqataatitaqannginneq neriuupugulli ukiup tullissaani peqataasoqarumaartoq.

KUJATAANI OQALOQATIGINNITTARTUNIK PIKKORISSAANEQ

Oqaloqtiginnittartunik pikkorissaasarneq Kattuffimmiit aaqqissuunneqartarnissa aallajangiunneqarsimavoq, taamatullu aaqqissuussineq aallarnerneqarpoq Kujataani oqaloqtiginnittartunik pikkorissaanermi. Pikkorissaaneq ingerlanneqarpoq majip 29-ni aamma 30-ni Qaqortumi, Sulisartut Højskoliat suleqatigalugu, tarnillu pissusaanik ilisimasalik Inuk Bourup Nielsen pikkorissaasoralugu.

	
Pikkorissaasoq Inuk Bourup Nielsen	Pikkorissaasoq Inuk Bourup Nielsen Qaqortumi napparsimavik kommunemilu inunniq isumaginnittooqarfik sulisunik peqataatitarpoq

	
Pikkorissarnermut Paamiuniit, Narsamiut Qaqortumiit Nanortalimmiit Nanortallillu pigisaaniit Aappilattuniit peqataaso- qarpoq.	Pikkorissaataasut tamarmiullutik. Talerpilleq saarleq: Sara J. Brandt

Pikkorissarnermi naliliinermi oqaatigineqarpoq oqaatsitigut toqqaannartumik pikkorissarneqarneq iluartusoq. Piffissap ullumik ataatsimik ilanissaa kissaatigineqarpoq sungiusarnerunissaq anguniarlugu. Pikkorissaanissap aaqqissorneqarneranut suleqataapput oqaloqatiginnittartuni siunnersorti Sara J. Brandt aammalu Kujataani immikkoortortaqarfinni siunnersorti Rasmine Hansen. Taakkua qutsavigaagut suleqataalluarnerannut.

NUNA TAMAKKERLUGU KATERSUINIARNEQ

Ukioq 2011 nuna tamakkerlugu katersuiniarneq ingerlanneqarpoq sapaammi oktoberip aappaani.

Immikkoortortaqarfiiut nunaqarfittaalu pisarnertut peqataalluarput.

Ukioq 2011 katersuiniarnermut qulequtaritinneqarpoq **"Suleqatigiinneq"** aningaasallu **700.000,- kr** isertitassatut siunniunneqarlutik.

Immikkoortorqarfinni, illoqarfinni nunaqarfinnilu Avannaani Kujataani allatigullu katersuiniarnerit ima isertitsiviusimapput. Sanilliullugit kisitsisit 2010-meersut ilanngunneqarput:

Sumi	2010	2011
Kujataani : Nanortalimmiit Maniitsumut	344.577,00 kr	427.101,00 kr
Avannaani : Sisimiuniit Siorapalummut	293.694,50 kr	260.746,75 kr
Oqarasuaatikkut katersineq	27.350,00 kr	Katersinissaq iluatsinngilaq
Inuit ataasiakkaat		1810,50 kr
Katillugit	665.621,50 kr	689.658,25 kr

Takuneqarsinnaasutut aningaasat siunniunneqartut anguneqanngilaarput, kisiannili 2010-mi katersat qaangerneqarsimammata nuannaarutigeqaarput tapersersuisimasullu tamaasa qamannga pisumik qutsavigalugit.

Najugaqarfiiut immikkuutitaarlutik isertitsitaat takuneqarsinnaapput Kattuffiup naatsorsuutaanni kukkunersiorneqarsimasuni.

IMMIKKOORTORTAQARFIIT

Inuit ataasiakkaat Neriuffimmut ilaasortaasarput immikkoortortaqarfiit aqutigalugit. Ilaasortaanermik akiliutit immikkoortortaqarfiit namminneq aningaasanik kaaviaartitaminni ingerlataraat. Kattuffiup ataatsimeersuarnerani aalajangerneqartarpooq ilaasortaanermi akiliut qanoq atsigissanersoq, ataatsimeersuarnermilu kingullermi aalajangiunneqarpooq ukiumut 50,- kr ilaasortaanermut akiliutaasassasoq, immikkoortortaqarfiillu Kattuffimmut ilaasortaanermanni 1.800,- kr-nik akiliisassasut.

Immikkoortortaqarfiit arlallit aningasaateeqarfepoqput immikkoortortaaflup ataani inissisimasunik ilaquaasut angalaqataanissaannut qinnuteqarfiusinnaasoq. Ukiuni arlalinni ingerlatsisimasoq Neriuffik Aasiaat paasiniaaffigineqarsinnaavoq.

Ukiumoortumik immikkoortortaqarfinni siulittaasut oqarasuaatikkut ataatsimeeqatigineqartarpoot Avannaq Kujataalu immikkoortillugit.

Immikkoortortaqarfiit ukiup ingerlanerani assigiinngitsunik najugaqarfimminni pisoqartitsisarpot ingerlatsillutillu:

Pingaarnertut ingerlanneqartartup ukiumoortumik nuna tamakkerlugu katersuiniarnermut peqataanerup saniatigut ilaatigut makku ingerlanneqartarpoot:

Ikumatitalisarluni ingerlaaqatigiinneq – nappaateqartunik naapeqatigiissitsineq – oqallitsitsineq - Kulturimik unnussiornermi peqataaneq – najugaqarfimmi paasisitsiniaaneq – peqqissaaveqarfinnik ataatsimeeqateqarnerit il.il.

Immikkoortortaqarfiit Upernavimmi Kangaatsiamilu aningasatigut pitsaanngitsumik ingerlasoqarnera nalunaarutigineqarpoq iliuuseqarfingineqarlunilu.

Nuummi peqatigiiffiit ulloqartinneqarnerat

Peqatigiiffiit ulloqartinneqarput ulloq 23. oktober 2011 Katuami, tassanilu Neriuffik peqataavoq. Ualeq naallugu susoqatitsisoqarpoq peqatigiiffiillu assigiinngitsorpassuit peqataallutik peqatigiifitsik nittarsaallugu paassisutissanillu tunioraallutik.



Allaffimmiorput Arnajaraq paassisutissiinermit peqataavoq.

Nuummi Nuna tamakkerlugukatersuiniarnermit assit:

 <p>Illumiit illumut takersinermi peqataavoq Asii Chemnitz Narup. Aningaasanik isertunik kisitseqataavoq Naja Sarkov.</p>	 <p>Grønlands Kontorforsyning nalliuottorsiornerlik iluatsillugu 50.000,-kr-nik tapiissuteqarpoq Rita Jensen tunniussuuvoq.</p>	 <p>Grønlandsbankip ajunngisaarluni 1 time sinnerlugu sapaaammi aammatitsineratigut Nuummi illumit illumoornermi isertitat aggorsimasortaat aggorsimasunik kisitsivimi kisinneqarput.</p>
---	--	---

Sisimiuni juullerpalaartitsineq

TAPISSUTIT LEGATIT

Ukiup ingerlanerani tapiissutit legatit, kræftimik eqqugaasunut qinnuteqarsimasunut tunniunneqartarput nakorsamit uppernarsarneqarlutik atsiorneqarsimasut aallaavigalugit. Maluginiarneqassaaq ukioq 2011-mi tunniunneqartut amerlingaatsiarsimaneri. Tamanna pissuteqarpooq 2010-mili aallaartinneqarmat nappaammik kræftimik nangeqqittut aamma qinnuteqarsinnaanngortinnejnarneri.

Nappaammik siullermeertumik eqqugaasut amerlassusaat peqqinnissaqarfip allattugaaniittut allaanerulaarneri naatsorsuutigineqassaaq tapiissummik legatimik Neriuffimmut qinnuteqartarneq ilaasa atorneq ajormassuk. Kisianni amerlanerpaat periarfissaq atortarmassuk Neriuffimmi kisitsisit allattugaatigut tutsuiginartuupput Kalaallit Nunaannilu kræftimik napparsimalersartut amerliartornerinik takussutissaallutik.

Ataani takuneqarsinnaapput qanoq amerlatigisut tapiissummik tunineqarsimanersut, kræfteqariaatsit sorliit nappaatigineqalersimanersut aammalu najugaqarfikkaartumillu inuit qassit nappaammik eqqugaasimanersut. Paasissutissanut qalipaatalinnut paasissutissiivoq oqaloqatiginnittartuni siunnersorti Sara J. Brandt, Aasiaat.

Siullermeersumik tunineqartut


Sumi	Qassit	2010	Qassit	2011
Nuna tamakkerlugu	129	387.000,00 kr	143	427.500,00 kr

Aappassaaneertumik tunineqartut

Sumi	Qassit	2010	Qassit	2011
Nuna tamakkerlugu			14	42.000,00 kr
Tapiissutit legatit tunniunneqartut katillugit :			157	469.500,00 kr


Tapiissummik legatimik tunisat nalunaarsorneri aallaavigalugit ataani takuneqarsinnaapput kræfteqariaatsit sorliit nappaataanersut aammalu quppernermi tullermi takuneqarsinnaallutik illoqarfinni assigiinngitsuni kræftimik napparsimalersimasut qanoq annertutinineri.

Kræfteqariaatsit 2011



Illuqarfiiit

Illuqarfikkaat 2011



KALAALLIT PEQQISSARTUT DK-MI ILLUANNIK SULEQATEQARNEQ

Kalaallit Peqqissatut Illuat, Brønshøjimiiittoq, Neriuffiit Kattuffianniit qanumut suleqatigineqarpoq pingoartumik Kræftemik nappaateqalersut Kalaallit Peqqissartut Illuanni najugaqartut tapiissummik legatimik, qinnuteqarnerisigut tunineqartarnerisigullu Neriuffiit Kattuffianni allaffiu, Kalaallit Peqqissartut Illuannilu inunniq isumaginninnermiit atorfilik toqqaannartumik attaveqaqatigiittarput.

Qulaani nassuaatigineqartutut Qallunaat Nunaanni Kræftens Bekæmpelsip ataatsimeersuarnerani peqataasup angalaneq iluatsillugu Kalaallit Peqqissartut Illuannut Kattuffiup suliai pillugit paassisutissiartorluni pulaarnissaralua iluatsinngitsoorpoq angalaniarnerup kipusoornera pissutigalugu. Neriutigaarput pilersaarutigalugulu 2012-mi pulaarnissaq iluatsissasoq pingoartumik nutaamik illutaarnermi suleqatiginneq pitsaasumik ingerlaqqittariaqarmat.

QUPPERSAKKANIK NUTAANIK SAQQUMMERSITSINEQ



Qallunaat Nunaanni Kræftens Bekæmpelse Neriuffiit Kattuffiatlu suleqatigiinnissamik isumaqatigiissutaa tunngavigalugu Kræftens Bekæmpelse-p qppersagaataasa ilaannik kalaallisuunngortillugit nutserisarneq saqqummersitsisarnerlu 2010-mi aallarnerneqartoq 2011-mi ingerlaqqippoq tamatumuunalu qppersakkat arfineq marluk siullermeersumik saqqummersinneqarlutik, ataaseq naqitseqqitatut ataaserlu ilassuteqarluni saqqummerseqqitaq.

Qppersakkanik avammut saqqummiussineq Sisimiuni Neriuffiup ingerlappaa Qeqqatalu Kommuneata ataatsimiittarfiani nuannersumik ingerlanneqarpoq ilaatigut Borgmester Herman Berthelsen erinarsoqatigiillu peqataasoralugit. Tusagassiutitigut avammut saqqummiineq sammineqarluarpoq. Sisimiuni Neriuffik qamannga pisumik qutsavigaarput taama kusanartigisumik tuppallernartumillu aaqqissuummat.

Nutserisuivoq Kirstine Berthelsen

Ilusilersuivoq assiliartalersuillunilu Lis Stender, Inuk Media,

Kukkunersiusuivoq ilaatigullu assiliartalersuilluni Johanne Olsen.

Maannamut qppersakkat kalaallisuunngortitat katillugit 19-t saqqummersinneqarsimalerput.

Qppersakkat siulliit aqqaneq marluk nuannaarutigeqisatsinnik saqqummersinneqarput ukuusut:

- Illissakkut kræfteqarneq
- Aqajaqqukkut kræfteqarneq
- Inalugarsuakkut erlukkullu kræfteqarneq
- Qasoqqaneq
- Kræfteqarnaveersaarit
- Iviangikkut kræfteqarneq (naqiteqqitaq)
- Puakkut kræfteqarneq (nutaanngortitaq)

Qppersakkat immikkoortortaqarfinnut, Dr. Ingridip napparsimavissuanut, sinerissami peqqissaavinnut, Qallunaat Nunaanni Kalaallit Peqqissartut Illuannut, Kræftens Bekæmpelsemut, Atuagaateqarfimmum allanullu soqutiginnittunut nassiussuunneqarput.

Quppernermi kingullermi takuneqarsinnaapput qppersakkat saqqummersitat assingi.

KATTUFFIMMUT IMMIKKUT TAPIISSUTIT

Frimærkip tuniniarneqarnerani ilassutitut tunniussat



Tele/Post Greenland ukioq 2009 –mi frimærkemik saqqummersitsivoq frimærkip ataatsip pisiarinerani 50 øre-mik ilassusissakkamik. Ilassutit 127.000,- kr Kattuffimmut tunniunneqarput septemberip 19-ni Post Greenlandimi ilasseqatigiinnermi. Tunniussisuovoq Peersti Frandsen, frimærkinik saqqummersitsisarnerni aqutsisoq. Aamma assimi takuneqarsinnaavoq frimærkimik ilusilersuisoq Lis Stender. Nuannaarutigeqaagut taama aningaasat amerlatigisut tunissutigineqarmata suliniarnitsinnullu iluaqutaassaqaat. Post Greenlandimut qujanarujussuaq.

Ukiumi 2011-mi Kattuffimmi aningasaqarniarneq ajunngitsumik ingerlavoq. Ukioq 2011-mi oqaloqatiginnittartunik pikkorissaaneq Tips og Lottomit 60.000,- kr-nik tapiffigineqarpoq, quppersagaliorneq aamma 60.000, kr-nik tapiiffigineqarpoq, allaffisornerlu 75.000,- kr-nik, Paarisamit 150.000,- kr-nik aammalu RAL-mit 36.000,-kr.

Tapiissuteqartut tamaasa qamannga pisumik qutsavigaagut suliniarnitsinnut tapertaalluarmata.

Isertitat sinneri Nalunaarusiami qupp. 8-mi takuneqarsinnaapput.

Kattuffiup naatsorsutai Deloitte & Touche-kkunnit kukkunersiorneqarsimasut Kattuffiup allaffianit pissarsiarineqarsinnaapput.

NAGGASIUT

Ukioq 2010 Neriuffiit Kattuffini pisimasoqarfiulluartoq taamatut nalunaarusrifigineqarpoq. Neriuffimmi suliniartut tamaasa qamannga pisumik qutsavigaagut, nappaammik kræftemik eqquaasut ilaquaasullu ajunnginnerpaanik tamnik kissaappagut, nappaammik kræftimik napparsimallutik toqukkut qimaguttut eqqarsaatisigut najorpagut eqqaaneqarnerilu ataqquiuassavagut.

Ukiup tulliani Kattuffiup ingerlalluarnissaa kissaatigaarput suliassammi annertunerulersinneqarnissaat pisariaqartinneqartoq nalunanngilaq.

Neriuffiit Kattuffianni siulersuisut sinnerlugit Johanne Olsen, siulittaasoq



NERIUFFIIT KATTUFFIAT

Nappaammik kræftemik akiuiniarfik –

Kræftens Bekæmpelse i Grønland

Aqqusinersuaq 48 A

Box 1546, 3900 Nuuk – Mobil 49 04 89 – Fax 31 25 04

Mail: neriuffik@greenet.gl

Nittartagaq: www.neriuffik.gl

Allaffik nalinginnaasumik suliffiup iluani ammasarpoq.